

# Berlari tanpa henti 11 hari

BH 3.1.14 12

» 9 pelajar UMS bakal cipta sejarah dalam Malaysia Book of Records

► Kota Kinabalu

**W**alaupun penglihatannya terhadap jarak 50 meter, pelajar kurang upaya Universiti Malaysia Sabah (UMS), Abner Moilie, bertekad menyahut cabaran Malaysia Book of Records berlari tanpa henti selama 11 hari di atas pengisar injakan atau 'treadmill', bermula 20 Januari ini.

Abner, 21, pelajar bidang Sains Sukan, mengakui teruja terpilih seorang daripada sembilan peserta program yang julung kali diadakan UMS sempena sambutan 20 tahun universiti itu.

"Walaupun penglihatan saya terbatasi, ia tidak menghalang saya untuk menyahut cabaran ini kerana ia membuktikan golongan seperti saya mampu melakukan seperti insan normal lain," katanya pada majlis penyerahan tajaan program itu, semalam.

Peserta tunggal wanita, Dora Suan, 22, pelajar tahun tiga dari Sekolah Pendidikan dan



Mohd Harun (tengah berdiri belakang) bersama peserta Projek Malaysia Book of Record: Longest Run On Treadmill By A Group 2014, semalam. [FOTO MOHD ADAM ARININ/BH]

Pembangunan Sosial (SPPS) yakin mampu menyahut cabaran itu, sekali gus memecahkan rekod sedia ada.

## **Yakin mampu melakukannya**

"Dengan latihan yang kami lalui, saya yakin kami mampu membuat yang terbaik dan menjadikan UMS sebagai universiti unggul di negara ini," katanya yang juga atlet olahraga acara 1,500 meter dan 3,000 meter.

Sementara itu, pengarah program, Laura Simon, berkata pihaknya perlu memecah rekod dipegang Universiti Teknologi Malaysia (UiTM) Samarahan, Sarawak sejak 2012.

"UiTM memadamkan re-

kod lama Universiti Malaya yang dicatat pada 2011 dengan rekod baharu 120 jam larian, selama lima hari dengan sembilan pelari," katanya.

Menerusi cabaran kali ini, peserta perlu berlari 264 jam atau 11 hari bagi mencipta rekod baharu 'Longest Distan-

ce Running On Treadmill By A Group 2014'.

Terdahulu, Naib Canselor UMS, Datuk Dr Mohd Harun Abdullah, berkata, program usaha sama antara Program Sains Sukan, SPPS dan Sekolah Perubatan itu adalah cubaan universiti untuk mencipta nama dalam Malaysia Book of Records.

"Program membabitkan kekuatan fizikal dan mental ini dapat menanam nilai positif dalam diri pelajar dan menjadi inspirasi kepada pihak lain," katanya.

Program itu menerima 16 penaja antaranya Kementerian Belia dan Sukan Sabah, Adabi Sabah Sdn Bhd.

## **FAKTA NOMBOR**

# 264 jam

tempoh larian yang perlu dilakukan peserta untuk mencipta rekod baru